



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

მეითოვი (მეჭთიევა) თინათინ (ნარგილე) ნაბის ასული

მეითოვი (მეჭთიევა) თინათინ (ნარგილე) ნაბის ასული (დ. 3. VI. 1980, სოფ. ქსანი, მცხეთის მუნიციპალიტეტი), საქართველოში პირველი პროფესიონალი აშული ქალი, საზღვე დაკვრის ვირტუოზი. 1997-2000 სწავლობდა ბაქოს სახელმწ. კონსერვატორიაში ხალხ. საკრავების ფაკ-ტზე (პედ. ი. იმამვერდიევი). აღიარებულია აშულად. ამჟამად ცხოვრობს და მოღვაწეობს თბილისში. მ. არის მირზა-ფათალი ახუნდოვის მუზეუმთან არსებული აზერბ. კულტ. ცენტრის პედაგოგი (საზი); იქვე მ-მა დააარსა ბავშვთა ანსამბლი „მეიდანი“. პარალელურად აგრძელებს სამემსრულებლო მოღვაწეობას. ხშირად მართავს სოლო კონცერტებს აზიისა და ევროპის ქალაქებში. საქართვე. საზოგადოებრივ მაუწყებელზე მიჰყავს აზერბაიჯანული გადაცემა „ხაზინა“. ასრულებს სხვადასხვა აშულური ჟანრის (დიღგამი, შიქასტა, რუჰანი, თაჯნი, მანსარი, გარნიჯი, მუხამბაზი გამაჩი, შარილი და სხვ.), აგრეთვე თბილისში გავრცელებული სხვადასხვა სტილის სიმღერებს, მაგ., ტუჩდაუდებელს (ვერბალური ტექსტის იმპროვიზაციულად წარმოთქმა, როცა ტუჩი ტუჩს არ ეხება, რ-საც თბილისში მხოლოდ მ. ასრულებს). მ-ის რეპერტუარშია 72 აშულური ჰანგი. არის სხვადასხვა ფესტივალის ლაურეატი; საქართვე. ქალთა საბჭოს, აგრეთვე აზერბაიჯანულ ქალთა კავშირისა და აშულთა საზ-ბის წევრი.

ქ. ბაიაშვილი
